

15. SI OU RODE L'ENMORT OUA JOINDRE LI

Alors un jour ti ennan trois grand soular qui ti peu tappe un deux ti Sey Brew dans un l'hotel. Juste au moment zotte ti la zotte ti entendre un Lacloche pe sonnain, "Bang, Bang, Bang", un entre zotte ti tire licou dehors, et ti voir un lenterrement pe passer, et devant cerceuille, ti ennan un marmaille pe sonne un lacloche. Desuite sa meme bougue y crie Gribouille, (Gribouille y un travailleur dans l'hotel) vine un cou cotte mon. Alle vite dehors et informe lequelle dimoune quine mort et faire sire qui ou gagne son vrais nom. Desuite aussi Gribouille y dire "Pas necessaire qui mon alle labas, parceque mon comme li tres bien en realite y un grand dallon pour ou. Oule dire moi qui ou pas conne li, alors ou pas prend ca avec ou bande z'amis.

Y ennan un z'homme cote ici qui appelle L'enmort et hier soir meme y ti grempe derriere l'hotel et sans apercevoir, i ti touille ou dalon, et y ti aller sans dire narien. "Mon bande dallons faire sure partout cote zotte marchaisse qui zotte pas joindre sa grand bougue parce-que y feroce et dangereux et pendant cinq mois passe yne touille un grand quantite dimoune. Personne ici pas capable bar li, et l'heure y vini ou pas meme connain.

Alors comment sa trois soulard pas ti trop croire sa qui Gribouille yne dire, zotte ti oule plusse l'information lo l'amort, et la zotte ti crire sa barman qui ti en malbar et zotte ti dire, "Calimoutou, mon dallon vine un cou ici. Calimoutou y repondre "Qui y ennan? Zotte oule encore boire, mon mon frere vine encou y ennan un bon nouvelle pour nous demande ou. Calimoutou y aller et y dire, "Qui arrive mon bon freres." Un parmi la trois soulard y dire ou conne li sa bougue qui appele Lenmort? Parceque ou travailleur Gribouille, yne oule seille faire nous croire qui ici y ennan un bougue qui touille son prochain. Es-que y vrai tout ca la?" Calimoutou y dire "Mon bande dallons tout ca qui zotte fine tende y parfaitement vraie, et y ennan plusse encore pour moi ajoute."

Sa bougue Lenmort y en faisser, y vine cote ou et pas meme dire ou narien et ou pas meme voir li. Juste y zette ou lavie. Mon capable dir qui y zenfoute aussi

parce-que y pas meme avertir ou d'avance, dans sa ca ou tia nobou guette ou pangard et la mon bande client faire sure cotte zotte aller qui zotte pas joindre li. Y un dimoune qui si ou rode li, ou pas joindre alors dans zotte ca zotte encore bien jeune zotte pencore meme fini amuser alors leste sa bougue la tranquille.

La present, sa trois bougue y dire "Be bon nous a faire li connain qui nous pour rode li dans tout coin chemin comment trois frere, et si par chance nous joindre li nous a faire li connain qui nous. L'heure zotte tine arrive un peu pres un mille distance zotte ti joindre un vieux grandnoir envelope li entier, mais juste son la tete avec son grand la barbe blanc qui ti dehors. Ca vieillard ti tres poli et y ti dire "Bonjour bande Jeune gens comment ca va". "Ou vieux lapouriture qui ou dire". Sa vieillard y regarde sotte dans zotte li yeux et dire, "sa pas en maniere pour cause avec un dimoune dans moi lage, meme la Bible y dire qui tout dimondes y devrai ennan un grand respe et pitie pour nous bande vieux dimoune. Be bon mon espere qui z'enmain zotte aussi zotte a vine vieux, zotte a voir rester toujours jeune. Un entre zotte ti dire, mon vieillard pas alle comme la. Espere en cou parce-que mon remarque qui ou un spy sa bougue qui appele Lenmort. Dire nous desuite cotte y ete parce que ai ou refuse dire nous ou pour gagne bate dans son place. Cause vite et indique nous cotte y ete." Veillard y dire, "Si zotte tellement envie connain cotte Lenmort y rester alle la bas en bas ca pied pomme et ou a voir voir li peu assise, parceque mon feque voir li ta leur. Mais leste moi aussi dire zotte qui zotte ventard pour tenir."

Desuite sa trois soulards zotte taille vers cotte grandnoir fine explique zotte. En arrivant la bas ou bien joindre l'enmort zotte voir un quantite sac l'argent, a terre. Zotte tine tellement content qui zotte commence chante dance, mais zotte pas ti connain qui sa meme ca l'argent qui pour faire zotte malheure.

Tout un cou zotte ti voir zotte soiffe et la faim et personne aussi pas ti oule alle la boutique pour acheter boire avec manger. Comment personne pas ti ouler aller zotte ti decide pour faire un lot. Plus ti dallon ti prend li trois p'tit boute baton z'alumettes et metre dans son labouche et quittant trois boutes dehors, et dissant qui celui qui gagne plus grand boute celui meme qui pour alle laboutique.

Malheureusement plus grand baton ti reste dans son la bouche et limeme li qui ti force aller.

Un ti moment apres comment y aller son deux dallon derriere zotte commence magine mauvais l'idee. Un ti dire, avec l'autre "Mon dallon, moi ennan un bon plan, devant moi, mais moi pas connain si ou pour tombe d'accord avec moi, mais entout ca pour ou propre l'interer. Comment ou connain nous besoin partage tous sa l'argent en trois mais si moi faire un maniere pour divise en deux pas ti a bon?" Autre dallon y dire, mon pas trop comprend qui ou peu dire moi, seille faire un ti peu plus claire."

Oui mon dallon, si nous arrange un ti trick lo nous dallon qui n'alle labouqitue pas tia normal. Ou connain l'heure y arrive ou jouer un ti la guerre avec li, et desuitemo comment moi voire zotte moi faire croire qui mon vine arrete sa laguette, et en selle coup avec moi poignard moi boure dans son ventre et oua fini avec li avec ou caniffe, et dans sa ca l'heure yne mort nous a gagne tout sa l'argent pour nous deux"

"HA! HA! HA!, "tout le deux bien d'accord et mort rier. L'autre dallon i dire avec l'autre mon frere ou z'homme na pas comment ou. Toulle temps nous capable marche avec camarade. Be accause oune montre avec un plus joli role, alors mon leste passe."

Sa l'autre d'allon qui nalle en ville li aussi son nide, ti lo sa ta l'argent y dire dans li meme "Ah oui, Seigneur si mon ti capable gagne tous sa l'argent pour moi touselle moi tia faire la ville coulle aujourd'hui. Nous d'accord qui nous dallon ensemble, mais dans capital na pas dallon, plutot y ennan enemie. Be ou connain qui sa nide ti peu tracasse l'esprit ti dallon. Alors y dire dans li meme, zotte si par example, moi acheter trois bouteille divin et un peu poison et moi a mettre un peu sa poison dans deux bouteilles et l'autre moi reserve pour moi.

Ou connain l'heure ou magine mauvais nide, demon y toulle temps pare pour aide ou. Alors desuite ti dallon y aller cote un laboutique parmarcie et y demande "AYA, Est-que ou ennan un peu poison pour vendre moi, si ou ennan, donne moi un peu et trois bouteille divin, parce-que moi ennan un quantitee chat a soir qui

vini mange moi bande poules et plus que ca a soir pas capable dormir avec le rats et meme aussi moi ennan en quantite vermine qui vine detruire moi plantation alors sa y un grand traca pour moi maniere la vie y chere comme la moi pas pour capable toleur des sautiques comme ca.

Present malbar y dire oui mon ennan tous quette chose ici pour ou demande mais au sujet poison mon ennan un qualite qui n'importe qui et quoi qui goute juste un goute sa poison y pour creve desuite et dans sa ca ou a gagne un bon la paix. Malbar y dire moi dallon mais acfaire ou achete divin aussi oule alle touille dimoune. Ti dallon y repondre: "Non, Aya ou connain a soir, l'heure moi trouve sa bande vermin peu mort, alors mon besoin fete avec mon grogue ou comprend. Aya y dire "oui mon frere mon tres bien comprend, alors la ou bande commission."

Ti dallon comment y tombe dehors y ouvert deux bouteille sa bon divin samson et y metre un peu poison dans chaque bouteille et y reserve l'autre pour li l'heure y fini y reboucher et y brule un ti peu sa papier qui lo sa bouteille divin avec son cigarette. Juste pour li nobou remarque lequel qui y pour boire. La y aller en soufflant ni meme connain qui son deux lereste dallon yne prepare pou li.

Comment y arrive son deux dallon y faire pareille zotte tine arrange et ti dallon y tombe sec a terre. Son deux dallon bien content y dire avec commrades ci nous leste chante boire apres nous a voire en terre li, chaque un y prend un bouteille divin pour boire mais malheureusement ti sa meme deux bouteille qui ti ennan poison. Comment sa poison ti terrible alors zotte ti mort dans souffrance.

Zotte ti pe rode l'enmort alors zotte yne fine joindre li.